

եւ փրկոնքս առած է և մեք տէր տղայոց. եկ և տո՛ւր զհուճէթն նոցա որ մեք ազատիմք: Հազիւ եւ ճորով եւ ալ շատ բան անցեալ ի մէջ՝ բերին զթէրզին, որ եկն անկաւ առաջի Եղիազար վարդապետին Մեղա՛յ ասելով և ետ զհուճէթն: Այս այն թէրզին է որ ժողովուրդն բռնեցին զՄուղնեցին եւ սա պատասխանի տայ ժողովրդեանն, որ ժողովուրդն ի վերայ սորա դարձեալ՝ յոյժ գանեցին զսա, եւ պօստանճլպաչուն թերզին է որ Մուղնեցին պիտի պատրիզ առնել տայր:

Դչի օրս աւագ (2 Ապրէլ). ևս և ծաղկարար Մարկոսն եկաւ Մեղա՛յ ասելով Եղիազար վարդապետին և զուզիզն խոստովանեցաւ թէ այն բանադրեալքն¹⁾ փրկին, քանզի եւս էր սա վերակացու Մուղնեցոյն յամենայն գործս առաջի եղբօր կաթողիկոսին և Խօճա Տաւուտին եւ ալ ամենայն մեծամեծաց քաղաքիս, եւ զդրամ տալն մի կախարդի տաճկի միոյ Գճ զուռուչ՝ թէ կախարդեսցեն զԵղիազար վարդապետն որ մեռանի ի Խ օրն:

Եչի օրս (3 Ապրէլ) զաւուր խորհուրդն ասաց Վարդապետն: Ի տեղ գնաց վասն Երուսաղէմայ եւ ծանօթացաւ մուֆտուն: Եւ երեկոյիս գնացաք ի ժամ. ոչ էր անգ Վարդապետն և աւրհնեցին զժամն, և եղեն թէ լւանանք զոտս, եւ Վարդապետն եկն եւ նստաւ զի զոտս լւասցէ, եւ բազմամբօխէն կոտորեցին զաթոռն. Վարդապետն լւանար եւ Տէր Ոհանէս արեղան իւր սրբէր և դարձեալ ինքն օժանէր: Եւ երեկոյացաւ եւ ոչ լինէր վերջ արանցն, եւ բազումք գնային եւ ոչ լւանալ ետուն, զի հեռաստանէ եկեալք էին: Եւ յորժամ ելաք ի ժամուն՝ կանչեց զեաթսուն, եւ ընդ Մղտեսուն հետ ի տունն գնացաք և սակաւ ինչ հանգաք եւ ելաք գնալ ի ժամ, եւ աւրհնեցին զժամն եւ

1) բանադրեալն.